



Peder Asgeir Sylte
Svanvikvegen 28
6490 Eide

Saksbehandlar, innvalstelefon

Hege Steigedal, 71 25 84 80

Dispensasjon frå Forskrift om vern av Einsetvågen/Nåsvatnet fuglefredingsområde til etablering av drenering og løyve til drenering av eksistertanda grøftelaup

Vi viser til synfaring 30.04.2021 med grunneigar av gnr/bnr 153/54 i Hustadvika kommune og Statsforvaltaren på tilgrensande landbruksareal ved Einsetvågen/Nåsvatnet dyrefredningsområde, samt søknad om drenering til Hustadvika kommune av same dato. Grunneigar Peder Asgeir Sylte søker om løyve til drenering av landbruksareal, sjå vedlagt kart. Området er regulert til landbruk i kommuneplanen og dreneringa er gjengrodd og ikkje blitt vedlikehald på fleire år. Arealet ber difor preg av å være vassjukt, og har blitt brukt til beite dei seinaste åra. Grunneigar ønskjer å reinske opp gamle grøfter og legge overskotsmassane på dyrka mark i same område. Samstundes ser grunneigar behov for eit utløp ned til sjøen med kulvert. Denne er det søkt dispensasjon for å etablere.

Heimelsgrunnlag

Einsetvågen/Nåsvatnet fuglefredingsområde ligg i Hustadvika kommune, Møre og Romsdal, som blei verna i 1988. Det verna området består av utløpet til Nåsvatnet, Vågsbøelva, Einsetvågen og deler av Isingvågen med ei smal landstripe rundt. Formålet med vernet er å ta vare på et viktig våtmarksområde med sitt livsmiljø, fugleliv og annet dyreliv. Området er et viktig hekke-, beite- og overvintringsområde for vassfugl, der songsvaner og regionalt sjeldne arter som lappfiskand, dvergdykkar og sothøne overvintrar årleg. Einsetvågen er eit grunt sjøområde med ålegraseng og Nåsvatnet har takrøyr- og sivaksfelt. Området har en variert strandeng- og steinstrand-vegetasjon med høg arts-førekost. Vassdraget er rikt med blant anna elvemusling. Verneområdet utgjør saman med det to nærliggande verneområda, Vassgårdsvatnet og Svanvikmyra, eit svært variert og mangfaldig naturområde.

Etter verneforskrifta kap. IV er vegetasjon som er av verdi som livsmiljø for fuglar freda mot skade og øydelegging, samt at fuglar, under dette også reir og egg, er freda mot all form for skade, øydelegging og unødig forstyrring (jf. § 3 i viltlova). Vidare seier forskrifta at det ikkje må setjast i verk tiltak som kan endre de naturgitte produksjonshøva eller forringe fuglane sitt livsmiljø, her under drenering og annan form for tørrlegging, uttak eller oppfylling av kloakk eller andre



konsentrert forureining, dumping av avfall og bruk av kjemiske plantevernmidler. Opplistinga er ikkje fullstendig.

I verneforskrifta kap. V står det at reglane i kap. IV ikkje er til hinder for vedlikehald av eksisterande grøftelaup som var grøfta før vernetidspunkt for drenering av landbruksareal etter at forvaltningsstyremakta er varsla.

Vidare i verneforskrifta kap. VI er det opna for at forvaltningsstyremakta kan gje løyve til etablering av nye grøftelaup for drenering av tilgrensande areal.

Vurdering

Tiltaket må vurderast som ein dispensasjonssøknad etter kap. VI i verneforskrifta. Som den viktigaste brukarinteressa i verneområde har ein opna for unntak og mogleg dispensasjon i forbindelse med landbruksaktivitet. Det er utdjupe i forvaltningsplanen at landbruket skal kunne drivast på same måte som før vernevedtaket. Det er eit mål for verneverdiane at kulturlandskapet vert heldt i hevd og ikkje gror att. Statsforvaltaren har vurdert søknaden etter prinsippa i naturmangfaldlova §§ 8-12, jf. § 7.

§ 8 (kunnskapsgrunnlaget):

Einsetvågen/Nåsvatnet dyrefredningsområde er et viktig hekke- og overvintringsområde for en rekke fuglar, særleg songsvaner og ender, samt kulturavhengige artar som vipe. I vassdraget er det eit mål å bevare vasskvalitet for å ta vare på elvemuslingen. Føremålet med vernet er å ta vare på det rike fuglelivet og deira livsgrunnlag. Område for omsøkt tiltak er kartlagt som strandeng-/strandsump. I forvaltningsplan frå 2010 er bevaringsmålet for denne naturtypen å hindra attgroing av framande treslag. I verneområdet er det difor viktig å unngå inngrep og forstyrning som kan redusere hekkesuksessen til fuglane og evne til å overleve om vinteren. Ut i frå kunnskapsgrunnlaget vil ikkje fuglelivet bli spesielt påverka ved gjennomføring av dette tiltaket utanfor hekkesesong i et svært avgrensa område. Påverkinga til fugl er derfor vurdert til liten. Inngrepet vil heller ikkje kome i konflikt med bevaringsmål for denne naturtypen, jf. forvaltningsplan. Alternativt til dette tiltaket er at grunneigar lager ei open grøft og koplar denne på eksisterande grøfting, som vil kunne medføre meir konsentrert avrenning og større vassføring i utløpsgrøfta. Det er slik vi ser det hensiktsmessig å spreie drenering i fleire små løp. Ved å legge den eine grøfte i kulvert vil ein også bevare vegetasjonen i strandenga betre med mindre oppstyking av opne grøfter. Elvemuslingen er lokalisert eit annet sted i verneområdet oppstraums tiltaksområdet og blir ikkje påverka.

§ 9 (føre-var-prinsippet):

Kunnskapsgrunnlaget er tilstrekkeleg til at ein ikkje trenger å ta ytterlegare høgde for å førebygge skadar eller uheldig påverknad.

§ 10 (økosystemtilnærming og samla belastning):

Dette er et tiltak som blir gjennomført med mange års mellomrom, i et avgrensa område og ut mot den opne fjorden. Samla negativ belastning er vurdert til å være liten.

§ 11 (kostnadene ved miljøforureining berast av tiltakshavar):

Skulle dreneringsarbeidet føre til at vesentlege endringar i livsmiljø for fugl og strandeng-vegetasjon, må tiltakshavar koste ev. oppretting og tilbakeføring til naturleg tilstand.

§12 (miljøforsvarlege teknikkar og driftsmetoder):

Grøfting inntil og i eit dyrefredningsområde må tilpassast slik at ein minst mogleg uroar dyrelivet. Det er difor lista opp i vedtaket vilkår for miljøforsvarleg driftsteknikk.



Vedtak

Statsforvaltaren i Møre og Romsdal gir dispensasjon til etablering av nytt grøfteutløp i kulvert slik det er vist i grøfteplan (sjå vedlegg), jf. Forskrift om vern av Einsetvågen/Nåsvatnet fuglefredningsområde, kap. V. Det er sett følgende vilkår til tiltaket:

- 1) Tidsrom for grøftearbeidet inne i verneområde er 01.09.2021 – 01.03.2022
- 2) Jordmassar, eller andre former for massar som blir tatt ut ved grøfting skal leggst på dyrkamarka.
- 3) Vegetasjonen der kulvert skal leggst ned, må bli plassert tilbake for naturleg revegetering.
- 4) Det skal ikkje tilførast nye massar inn i verneområdet.
- 5) Ved gjennomføring må tiltakshavar legge vinn på å unngå unødvendig forstyrring og påverknad av dyrelivet i fuglefredningsområdet.

Klage

Dette vedtaket kan klageast til Miljødirektoratet av partane i saken eller andre som har rettsleg klageinteresse, med frist på 3 veker. Eventuell klage sendast til Statsforvaltaren i Møre og Romsdal, som også kan gje nærare opplysningar om klagerett og saksdokumenta.

Med helsing

Bjarne Otnes (e.f.)
fagleiar - naturforvaltning

Hege Steigedal
rådgivar

Dokumentet er elektronisk godkjent

Vedlegg:

- 1 Grøfteplan for gnr/bnr 153/54, Hustadvika kommune

Kopi til:

HUSTADVIKA KOMMUNE - LANDBRUK Elnesvågen 6440 ELNESVÅGEN